

Afrikaans Eerste Addisionele Taal

Graad 9

Advertensie Oefening

Advertensie

KOMPETISIE
Virseker

SKEP 'N WOORD EN WEN

WEN
 R5 000 vir jou
 OF R10 000
 vir jou skool!

Met Virseker se nuwe **neologisme-kompetisie** kan jy vir jou of jou skool tot **R10 000** wen

DAKKETEL, plastiekpaniek, verniel-en-laai-wiel-voerval – dis alles lekker maniere om 'n ding in Afrikaans te sê. Virseker en Huisgenoot span saam om Afrikaans selfs sterker te maak – en watter beter manier is daar as om vars nuwe woorde te skep vir dinge waarvoor ons gewoonlik Engelse benamings gebruik?

Vandeewee begin 'n heerlike nuwe kompetisie waarin lesers die geleentheid kry om neologismes (nuwe woorde) vir versekeringssterme uit te dink. Deelnemers kry die kans om R5 000 vir hulleself te wen. As jou klas deelneem, kan jou skool R10 000 wen! Daar sal altesaam agt weners wees: vyf individue en drie skole. Die kompetisie strek oor vier weke.

Skryf so in

- 1 Dink aan die beste Afrikaanse woord vir die begrippe hieronder.
- 2 SMS jou neologisme, jou naam (of as jy namens jou skool inskryf, jou skoolnaam) na 48062 ('n SMS kos R1,50).

Dié week se uitdrukings: BUMPER BASHING en SUBWOOFER


Bumper bashing

Ons almal ken daardie gevoel: Jy sien die kar voor jou (uit die bloute) teen 'n geweldige spoed nader kom en dan KLAP! – is jou buffer daarmee heen. Of dalk sit jy doodonskuldig in die slakkepas-verkeer as jy skielik 'n geweldige slag voel – en iemand het van agter in jou vasgery.



Subwoofer

Jy hoor dikwels die deef-deef-deef van 'n motor in die verkeer lank voor jy die kar self sien. Dis die kar langsaan wat met 'n alledaagse klankstelsel met subwoofer spog.



virseker

J ou versekering jou mense jou taal

Gaan na Virseker se webtuiste by www.virseker.co.za of bel 0860-083-688 vir nog inligting. Besoek Virseker se Facebook-blad en sien hoe lekker hulle in Afrikaans gesels.

(Verwerk uit: Huisgenoot, 27 Oktober 2011.)

1.1 Wie is die adverteerder wat hierdie kompetisie aanbied?

1.2 Watter produk/dens lewer hierdie adverteerder?

1.3 Verduidelik in jou eie woorde wat 'n neologisme is.

1.4 Wat moet 'n persoon doen om aan hierdie kompetisie deel te neem?

1.5 Is die volgende stelling WAAR of ONWAAR? Motiveer jou antwoord.
Slegs individue kan deelneem.

1.7 Verduidelik die woordspeling in die woord "virseker".

1.8 Watis die adverteerder se slagspreuk?

1.9 Kies die korrekte antwoord. Skryf net die vraagnommer en die antwoord neer.
"Doef-doeft-doeft" is 'n voorbeeld van (klanknabootsing/klankverspringing)